



Eich cyf/Your ref
Ein cyf/Our ref DC/MD/05251/16

23 Medi 2016

Annwyl Simon

Rwy'n deall ac yn gwerthfawrogi bod ymrwymiadau eraill yn golygu nad oedd modd ichi ymuno â mi yn fy nigwyddiad amser brecwast yn ddiweddar. Roeddwn yn meddwl y byddai'n ddefnyddiol petawn yn anfon braslun atoch o'r hyn a drafodwyd, gan eich gwahodd hefyd i gynnig eich barn.

Cynhaliais y digwyddiad i geisio safbwyntiau grŵp eang o randdeiliad ynglŷn â'n camau nesaf o ran datganoli trethi; ac yn arbennig hynt y gwaith o sefydlu Awdurdod Cyllid Cymru (ACC) a'n blaenoriaeth gynnar o benodi cadeirydd, a bwrdd wedi hynny. Fel y gwyddoch, rwy'n bwriadu hysbysebu am gadeirydd yn ddiweddarach yn yr hydref a chyhoeddi enw'r ymgeisydd llwyddiannus yn fuan yn 2017. Roedd y cyfarfod yn un defnyddiol o safbwynt yr amserlen honno.

Yn ystod y digwyddiad buom yn trafod y sgiliau a'r priodweddau y bydd gofyn i'r cadeirydd cyntaf (a'r Bwrdd) feddu arnynt, a chodwyd nifer o bwyntiau diddorol; yn enwedig pwysigrwydd denu ymgeiswyr credadwy sy'n addas i gyd-destun sefydliad newydd yng Nghymru. Trafodwyd hefyd y gwahanol opsiynau sydd ar gael er mwyn sicrhau detholiad eang ac amrywiol o ymgeiswyr.

Byddai gen i ddiddordeb mewn clywed unrhyw farn a allai fod gennych ynglŷn â'r priodweddau a'r sgiliau sydd bwysicaf ar gyfer Bwrdd ACC, ac ynglŷn â sut y gallwn sicrhau ein bod yn cael y grŵp mwyaf addas ac amrywiol o ymgeiswyr ag y bo modd.

O ran adrodd ar hynt y gwaith o sefydlu ACC, hoffwn dynnu eich sylw at waith sy'n cael ei wneud gan Archwilydd Cenedlaethol Cymru. Ym mis Medi 2015, ysgrifennodd yr Archwilydd at eich rhagflaenydd, yn nodi ei fwriad i gynnal adolygiad i hynt y gwaith o baratoi at ddatganoli trethi i Gymru erbyn Ebrill 2018. Mae'r Swyddfa Archwilio wedi nodi y byddant yn cyhoeddi eu hadroddiad cyntaf erbyn diwedd mis Tachwedd.

Yn gywir

Mark Drakeford AM/AC
Ysgrifennydd y Cabinet dros Gyllid a Llywodraeth Leol

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400
Gohebiaeth.Mark.Drakeford@llyw.cymru
Correspondence.Mark.Drakeford@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.